



Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe


AUGUSTÆ Vindel. & DILINGÆ, 1707

VD18 12383155

cap. 12. Retegitur ex occasione falsitas aliquorum axiomatum, quæ referuntur ad exponendos contempui eos, qui circa Christum utuntur tribus facultatibus interioribus, more potius eorum, qui ...

urn:nbn:de:hbz:466:1-47773

ximè ex quo non immeritò metuere debo, ne quam ipse
mihi molestiam facebam, magno illo animo, quem pre
meferam eas lacebendo. Verùm videor mihi nimis aperte
proditurus causam mei JESU, si id ego facerem. Utter
enim dissimulatione abjectā potius, quàm Christianā. Ac
proinde stat fixum, audacter lacebère singulas. At quo id
fine? non alio, quàm ut larvam ipsis detrahām, non pie-
tatis tantū, sed etiam Perfectionis, sub qua, si-
quo modo possent, cuperent spectantium
se oculis offerre.



Caput XII.

*Retegitur ex occasione falsas aliquorum axiomatum,
que referuntur ad exponendos contemptui eos, qui circa Chri-
stum utuntur tribus facultatibus interioribus, more
potius eorum, qui meditantur, quàm qui
contemplantur.*

I.

Quis proinde sibi persuaderet, repeto, quis sibi per-
suaderet, non obstante hac tantorum Sanctorum
authoritate, quorum ante meminimus, non defore-
tamen aliquem, qui, ut elevet autoritatem eorum, qui
dictos Santos hodie imitantur in modo ipsorum Orandi,
non dubitaret tandem prorumpere in hæc verba, quorum
censuram omnem pij lectoris judicio relinquam: *Ad quid
pascere se constanter hisce mysteriis, hisce miraculis, hisce ver-
bis JESU Christi?* Fateor equidem me perceptis ejusmodi
verbis

verbis sensisse in me excitari illum spiritum, quo olim duo illi Tonitrii Filii accensi sunt contra Samaritanos qui Christum rejecerant: usque adeò desideravi, calatum, quem manu versabam, mutari mihi in fulmen. Mox tamen conatus sum spiritum ejusmodi, tanquam male convenientem & importunum, frenare & reprimere, ne & mihi contingat ex Christo audire illud: *Nescitis cuius spiritus estis.*

Parte tamen alterā, estne hoc quoquomodo idioma, quo in Perfectionis via erudiantur Animæ?

Ad quid, pascere se constanter hisce mysteriis, hisce miraculis, hisce verbis Christi JESU?

Ecquid unquam aliud fecerunt illi ipsi, quorum ante meminimus, Sancti, cum aliis innumeris, nisi pascere se constanter omnibus alimentis, quæ hic tam contemptim referuntur? Gloriosus S. Dominicus, ad mortem usque studuit isthac mysteria, ista miracula vertere in cibum, non suum duntaxat unius, sed totius Populi Christiani. S. Hieronymus, S. Augustinus, S. Ambrosius, S. Gregorius cum omni reliquo Doctorum Ecclesiæ agmine aliud non fecerunt, quam ut constanter se pascerent, tam cum Orationi vacabant, quam cum non vacabant, verbis Christi saluberrimis, illa mandendo, terendo, minutim quasi comminuendo, velut nectar longè suavissimum, quod vel è cælo Empyreo depluere posset. Et tamen ita loqui lubet?

Ego equidem paratissimus sum respondere ita quærenti, quoties libuerit, quid tandem ea re propositum sibi habeant Christiani: *ad quid pascere se constanter hisce mysteriis, hisce miraculis, hisce verbis Christi JESU?* ut ita Christo illud absque cessatione praestent obsequium, quod illi debetur. *Ad quid pascere se?* ut illud spiritui afferatur solatium, quod inde percipit. *Ad quid se pascere?* ut inde referat

referat spiritus illa constanter commoda , quæ resultant,
Ad quid pascere se? ut hac ratione conformemus nos pro-
 pensioni & voluntati Ecclesiæ Matris nostræ , nostræ Ma-
 gistræ ; quæ nunquam cessat ista nobis alimenta offerre in
 quotidianis Evangelii. His de causis nos pascimus. An
 quid desiderat amplius ? Prosequitur idem Author jam au-
 daciō , & inquit : *hæc esse alimenta Animæ, sed non esse ejus*
vitam. Non sunt ejus vita ? Prō D E U M immortalem!
 idem mihi accidit , quod Jeremiæ Vati : *Furore Domini ple-*
nus sum, laboravi suslinens. Sed nihil ad rem. Pugne hic
 Ratio : Ira , quām illi D E U S ut satellitem adjunxit , pe-
 dem referat : nec enim ego sociam hīc ejus operam de-
 fidero.

Et quæ tandem Animæ vita est , si hæc alimenta non
 sunt ? *Verba que ego locutus sum vobis, spiritus & vita sunt,*
 Sic Christus ipse pronuntiavit. *Spiritus* , quia removent
 ab anima omnem erga carnem & corpus , & quæ his affinia
 sunt , affectum & propensionem. *Vita* , quia illam mo-
 vent ad agendum virtute summâ. Quòd si contra Chri-
 stum obstinatè contendere luet , & asserere , verba ejus
 non esse vitam , propterea , quòd non sint ipsa gratia , quæ
 est vita Animæ propria ; quæ saltem erunt alimenta , quæ
 hanc vitam conservant , si ista non sunt ? Rectè , nî fallor ,
 de his sentit S. Petrus , qui longè alio quām isti spiritu ad
 Christum dixit : *Domine ad quem ibimus? verba vitae aeternæ*
habes. Et cur verba Christi sunt verba vitae aeternæ , nisi
 quia verba sunt , quæ , quòd gustantur amplius , tanto vi-
 tam dant abundantius ? *Sicut ex carnalibus escis alitur ca-*
 de salut. *ro, ita ex divinis Eloquiis interior homo nutritur.* Quæ
 monitis. *sunt verba S. Augustini.* Non est igitur hīc ac rem illa ex-
 c. 28. proba.

probratio, quam addit Promulgator jejunij tam in Mundo novi.

Is qui semper nutritur, his nimis alimentis, aut famelaborat importunā, quae inutiles reddit omnes cibos, aut necesse est, ut tantum pinguedinis collegerit, ut jam nauseet omnem escam.

Et quæ hæc loquendi ratio, apta movere nauseam & stomachum multo plus, quam, ut perperam supponitur, movere illum possint profunda Christi verba, quæ famem nunquam explent?

Si diceretur: satis non esse mandare hunc cibum, sed necesse esse illum deglutire, in viscera demittere, concoquere, in substantiam propriam vertere, sic agendo & operando, sicut exigunt ea, quæ de Christo identidem meditamur, rectissimè omnino diceretur. Sed velle ex hoc inferre; quod non sit necesse alias meditari tot mysteria, tot Christi miracula, tot Christi verba, eò quod meditari sit comedere, sit devorare, sit infarcire, non verò se nutrire; hæc enimvero non est ratio loquendi, quâ passim libero ore uti possimus, quin offendamus sexcentos Sanctos, sexcentas Sanctas, imò ipsum adeo DEUM. Instituit feme apud ipsum sollicitè S. Franciscus Assisiæ, ut manifestare di-
gnaretur, quo demum exercitationis genere tam ipsem, Franc. p. 1.
quam sui Filij, uti deberent potissimum in omni sua vita, l. 1. c. 88.
ut tanto magis placerent Divinæ ejus Majestati? Quid ita
querenti inspiravit DEUS? inspiravit ut surgens è loco, in
quo tum preces fundebat, coram summa Templi arâ, iret
& Missale apprehensum aperiret. Obtemperavit Sanctus,
precatus DEUM, ut in aperiendo prima vice libro mox
occurreret, quod quererbat: aperuit, & incidit in Passio-
nes Servatoris, aperuit denuò, & iterum se obtulit Christi

T

Passio

Passio: aperuit tertio, & iterum in oculos incurrit Passio Christi. Sic ut hinc citra dubitationem statueret, hunc debere esse cibum suum quotidianum. Et tamen dicitur, quod qui hoc cibo utitur, sit in statu ignominioso hominis gulosi? *Tabescere me fecit Zelus meus.* Malo tamen hoc consumi, quam eundem exerere.

II.

Sed ad rem ipsam accedamus. Non jubet quidem ipse qui sic loquitur, ut Animæ Christianæ penitus à corde suo ejicient Christum; ut olim fecerunt Samaritani; id enim nimis quam inhumanum foret: quin vult ut eum recipiant. Sed quid? interim vult ut stare eum sinant, nec pensi habeant unquam cum eo de re ulla agere. Quid sibi volunt, ait, repetitæ istæ erga Christum protestationes? quid oblationes? quid obsequia? quid tot considerationes piæ? sufficiat scire oranti, quod habeat præsentem intimè Christum; & sic transfigat cum illo tempus simplici & continuato actu puræ Fidei. Si Christus hac nostra ætate rediret ad conversandum inter homines spectabili, ut olim formâ (prosequitur animosus noster Præceptor) & totum se nobis conjungendo, nobis comes iret, ubique nos moraremur, in templo, domi, in oratoriis, in urbibus, ruri, in mari, an fortassis nos identidem per totum diem molestè illi occineremus? Domine, volo orare in conspectu tuo; volo versari tecum; volo tecum cibum sumere, volo facere amore tui, quidquid tandem fecero? an non esset hoc, pergit ille utendo his ipsis vocibus: an non esset hoc abjecta agendi ratio, res incivilis, res inutilis, res cum omnibus urbanitatis legibus pugnans? sufficere enim nobis deberet

deberet cognoscere, quod versemur cum Christo & Christus
versetur nobiscum, quin aliam haberemus intentionem,
quam conformandi nos & conjungendi cum illo in omni
nostra actione. Sufficiat igitur nobis etiam nunc, hac ra-
tione cum illo procedere, dum modo non aspectabili præ-
sentem in corde habemus.

O miras subtilitates, quae hactenus Sanctorum nemini in mentem venerunt: sed nimis quam magnum operæ
preium erit earum aciem retundere. Quæro igitur pri-
mò. An si Christus rediret ad conversandum cum homi-
nibus formâ aspectabili, an illi exhiberi possent omnia,
quæ modò exhibentur præsenti in SS. Eucharistia: præsen-
tiâ verâ, personali, propriissimâ, non tamen aspectabili?
Non crediderim jam ego. Nec enim mihi persuadeo,
quod unquam sic illum tractaturi essent Sacerdotes, ut nunc,
cum illum de Pixide in Pixedem transferunt, dum mani-
bus gestant in supplicationibus per compita, inclusum vasi
crystallino; dum tam varii Ecclesiastici ordinis homines
illum circumstant, hymnos ac Psalmos perpetuò conci-
nunt notis tam sonoris, ut in Choro aliquo eas audire non
minoris videatur meriti, quam sit eas scilicet pro exprimere.
Cur autem hoc? Quia si Christus inter Mortales spectabilis
versaretur, omnis recta ratio, & lex postularet, ut homi-
nes cum ipso humano modo agerent. Et idcirco credo,
neminem tunc futurum, qui exemplo illius Apostoli, cui
id laudi tribuitur, centies de die coram illo prostratus in
genua suum profiteretur obsequium, eodem obsequio to-
ties denoste repetito; hoc enim esset nihil planè quietis vel-
le illi permittere. Unde animadvertisendum est, quod
tractandi cum Christo ratio interior, ratio quædam mysti-

T 2

ca est,

ca est, dissimilis exteriori, atque adeò aliis longè illa, quam hæc, principiis & regulis utitur.

Verum quæ hæc tenus dicta sunt, allatam comparationem infirmant quidem, sed non evertunt. Ad illam revertendam meminisse necesse est, totum istorum errorem, qui has repetitas saepius preces damnant, quæ Sanctis tam sive familiares, inde nasci, quod in memoriam non reverent magnum illud S. Augustini effatum: nos in ejusmodi precibus & orationibus, non velle DEO manifestare affectus & propensiones voluntatis nostræ, jam aliunde illi intimè, melius quam nobis sint, perspectos; sed cupere tantum in nobis ipsis excitare memoriam obligationis nostræ, quâ adstringimur ad respondendum ipsis hoc affectu-

S. August. um genere: Ideò per certa intervalla horarum & temporum, ad l'robam etiam verbis rogamus DEUM, ut illis rerum signis nos ipsos ad de Orando moneamus, quantumque in hoc desiderio rogandi profecerimus, DEO ubi supra. nobis ipsis innotescamus, & ad hoc agendum nos ipsos acrius excitemus. Quæ sunt ipsa Sancti Doctoris verba.

Unde cum sic Christum alloquimur. Domine orabi in tua præsentia: quid dicere intendimus? Revocamus nobis in memoriam, quod oporteat orare præsente Christo. Et talis idcirco affectus familiaris admodum fuit Sancto Re-

Psal. 18. gi Davidi: Meditatio cordis mei in conspectu tuo semper.

v. 5. Quando dicimus illi: volo conversari tecum: revocamus nobis in memoriam, quod conversandum sit cum Christo. Quando illi dicimus: quidquid ago & operor, tecum operari volo: revocamus nobis in memoriam, quod vel inter operandum conjunctos nos Christo esse oporteat. Omnes

Psal. 188. via mea in Conspectu tuo. Quomodo igitur hos repetere

v. 168. actus, inurbanitatis notâ non caret? quid in illis superflui, quid inhumanî, quid abjecti est? cum nemo illos respectat

petat id spectando, ut Christus veniat in notitiam ejus, quod ille habet perspectissimum, dum nobiscum versatur; sed repetat tantum, ut se ipsum ad Christi amorem exciter?

Respondet ille cautus, tam diversos actus plenè perfecteque suppleri actu isto simplici; coniunctum esse illi per fidem.

Et ego hīc altum exclamo; non ita rem se habere: non sufficere actum istum simplicem, coniunctionis per fidem. Hic enim habitus potius est quām actus, & idcirco ne quidem sufficit, esse coniunctum per habitum Spei; quin nec quidem per habitum Charitatis: hæc enim Oratio satis remota dicitur, & non est illa proxima, quæ nobis servit ad nos animandos & excitandos. *In ipsa Fide, Spe, & Charitate continuato desiderio semper oramus* (quæ est ad præsentem quæstionem ipsissima S. Augustini responsio) *sed ideo per certa intervalla horarum & temporum etiam verbis* (atque adeò ne quidem solis his affectibus internis) *rogamus DEUM,* *ut nos ipsos acrius excitemus.* Ut jam ante dictum est ad errorem retegendum.

Quinam igitur sunt illi, qui contendunt, sufficere ipsi habitum, & quod necesse non habeant, sicut illi Sancti, adjungere etiam multos actus ad se ipsos strenue excitandos in omnibus, quæ ad divinum obsequium spectant?

Addunt autem; si ita res haberet, dicendum, quod Apostolus duram admodum legem nobis imposuisset, cùm dixit, omnia, quæcumque agimus, facienda in nomine Domini JESU Christi. *Omne quodcumque facitis in verbo aut in opere, in nomine Domini JESU Christi.* Omnes enim Coloss. 17 quascunque facimus, actiones illi offerre, non est factu pos- 1. 1. Cor. sibile. Effugium tamen istud pridem abunde occlusum fuit 10. 41. à S. Thoma, qui docuit, mediis eatenus utendum, quate-

nus serviunt ad consequendum finem; ut sit in medicinâ, quæ non sumuntur sine mensura, & dosi, sed tantum, quantum ad valetudinem recuperandam serviunt. Cùm ergo oblationes istæ fiant ad nos erga DEUM excitandos, non aliter, nec amplius; et erandæ sunt, quâm quatenus hunc ad finem serviunt. Si subinde tam essent prolixæ, tam assiduæ, ut opprimerent spiritum, non aliter, quâm oleum sine ulla moderatione lucernæ infusum; non verò eum animarent, quis ambigat, quin tunc, utut in se bona, prudenter moderandæ essent, cessante nimis fine, ob quem ab ipso adeò Apostolo præscriptæ sunt, jubente, ut quidquid uspiam sit, non habitu solùm, sed actu, offeratur ad honorem Christi, quæ est ipsa memoriæ obligationis

2.2. q. 44. nostræ excitatio. *Uniuscujusque rei quantitas*, ait S. Doctor, debet esse proportionata fini, sicut quantitas potionis sanitati: Unde & conveniens est, ut Oratio tantum duret, quantum est utile ad excitandum interioris desiderij fervorem, cùm verò hanc mensuram excedit, ita ut sine tædio durare non possit, non est ulterius protendenda.

Idcirco nullo tempore regula hîc tenenda erit, quam jam alias dedimus. Qui tali coniunctione gaudet, ut illâ juvante semper oret habitu; intentius etiam & ferventius, quam oraret per actus breves & frequentes; non deserat ille hanc coniunctionem, ut & ipse crebris his oblationibus utatur, quibus utebantur Sanctus Rex David, S. Antonius, S. Arsenius, S. Teresia, S. Franciscus Salesius, S. Philippus Neri, & innumeri alij (qui nobis demonstrârunt, se cò non esse progressos, ut solo habitu contenti esse possent) hæc enim rara coniunctio illa est ipsissima, quam S. Augustinus appellat intentionem rogandi. Est autem Sancto Doctori idem Intentio, quod vulgo Intensionem dicimus.

dicimus. Intentio rogandi, sicut non est obruenda si perdurare non potest, ita juxta ea, quæ idem Sanctus observat, si perduraverit, non citò est rumpenda. Quinam autem illi sunt, qui coniunctione tam arcta fruantur? Et si vix ulli sunt, ut quid passim apud omnes in contemptum adducuntur exercitationes istæ piæ? cur, inquam, in contemptum adducuntur? Non est occulta causa. Indicanda nimis sunt ista Meditantibus: hi enim sunt, qui constanter se pascunt tot mysteriis, tot miraculis, tot verbis Christi JESU, substantiam ipsam pro alimentis derelinquentes. Contemplantes non ita facere consueverunt.

Ego autem hīc disertè edico; si essent, qui satius putarent, non curare deinceps alia alimenta; indignos eos futuros, qui vel contemplentur, vel meditentur, imò qui inter mortales degant. JESU mi Chare! sūntne ista forsitan præcepta, quæ in usum redegit sanctissima Mater tua, quando tanto animi sensu, volvebat identidem in corde suo omnia, quæ quotidie ex te & de te intelligebat?

Maria autem conservabat omnia verba hac, conferens in Lucae 2. corde suo. Sanctè hīc tibi juro, quòd sanctissimis verbis v. 19. tuis constanter me velim pascere, quoad potero; & plus etiam, quām possim incessanter pasci volo Mysteriis tuis tam suavibus, Miraculis tuis tam divinis. Agat aliis pro se, quod maluerit. Ego quod ad me pertinet, protestor, mortitum me antè, quām tale pabulum unquam relinquam. Et nōnne hoc est illud pabulum, quod tu mihi præparāsti, ô Pastor mi bone tantis impendiis? Et ego illud unquam relinquam tanquam inutile, fastidiam tanquam insulsum? Adhæreat lingua mea faucibus meis, s̄ non meminero tui.

Psal. 46.
v. 5.

III. Non

III.

Non juvabit, ut inducar ad hoc relinquendum, si quis mihi iaculcārit: ad orandum benē, satis esse ut sciām, te mihi esse præsentem. Non juvabit, non. Exclamat per me, qui vult, oggerendo verba magis speciosa, quam intellectu facilia. O Præsentiam JESU dōliciosam! O ineffabilem! quis tam erit audax, ut non vereatur te interrumpere aetibus distinctis intellectus? Quis extinguere te volet aetibus tumultuosis voluntatis? aut quis præsumet offuscare te Imaginibus & figuris, cum tu tecum afferas actum purum, qui est DEUS, Imaginem substantialem qui est Christus JESUS, & amorem perfectum, qui est Spiritus Sanctus. Pro pietatem simulatam & fucatam!

Sed, heus tu? S. Ignatius, S. Philippus, S. Carolus, S. Franciscus Xaverius, S. Franciscus Borgia, & omnes illi Sancti, quorum supra meminimus, cum S. Francisco Seraphico, an non gaudebant & ipsi præsentiā, tantopere hic laudata? Et tamen meditabantur, hoc est, pascebant se constanter tot mysteriis, tot miraculis, tot verbis Christi JESU? Quam ergo vim habent facultatum internarum aetus ad præsentiam ejusmodi expellendam? si illam expellerent, ego sanè capere non possum, quomodo unquam Apostolus tam seriò nos fuisset adhortatus ad illos repetendos, quando nobis inculcavit, ut non tantum cogitaremus illa, quæ nostrā causā passus est JESUS Christus: sed etiam ut recogitaremus, hoc est, identidem ad illa cogitanda reverteretur. *Recognitate eum, qui tales sustinuit a Peccatoribus adversum semetipsum contradictionem, ut ne fatigemini animis vestris deficientes.* Recognitare opera Christi non impedit nobis ejus præsentiam, sed eam animat, sed eam vivificat, dum illam nobis exhibet actuosam.

Deinde

Deinde ita differo. Vel consideratur hæc præsentia, de qua sermo, ut est ineffabilis, an verò ut est deliciosa? ut est ineffabilis, est communis omnibus, qui sunt in gratia DEI; et si hi auctu nec meditentur, nec contemplentur. Ut est deliciosa, tam paucis est communis sine auctibus distinctis intellectus, & sine affectibus non jam tumultuosis (hi enim ab omnibus meritò vituperantur) sed suavibus voluntatis, & sine Imaginibus etiam ac Figuris, ut omnes ferme, qui audiunt ejusmodi exclamationem, possint quidem ideo contemnere istos actus, istos affectus, istas imagines, tanquam res nullius pretij, non tamen eorum loco consequi possint puram illam præsentiam experimentalem, quæ in altissima contemplatione est deliciosa, cum hæc à DEO his in terris donetur quam paucissimis: & qui illâ fruuntur, non est periculum, ne illam auctibus elicitis ullatenus velint interrumpere; usque adeò illa est deliciosa. Quid igitur ejusmodi exclamatione concluditur in utilitatem & commodum multitudinis? Dicat hoc, qui potest intelligere, ego non possum.

Non possum intelligere? Quin imò, concluditur, quod passim oraturi, potius quam meditentur, contenti sint hærere in Oratione tanquam stupidi. Sed non ita fiat: non ita faciant miseri, non faciant; in fraudem enim avertisserunt inducerentur. Si contemplari non possunt, abjiciant se, ad summum, tanquam inhabiles, tanquam indigni, sed non despondeant animum; ego enim certò illis promitto, quod hoc non obstante multum tamen consequi possint etiam de ipsa præsentia deliciosa, si meditentur.

Quid, & quomodo agendum, ut ex Christi præsentia illæ tam suaves deliciæ percipiantur? an satis forsan est,

U

adstarē


adstare coram ipso actu puræ Fidei? Haudquaquam sanè; sola enim Fides ex se non potest conferre has delicias. Ne cesse est Fidei jungere devotionem, cùm nos doceat S. Bernardus, Fidem, quæ devotione caret, esse cadaver. Si

Serm. 24. quædam anima Fidei ipsa devotio est, quid erit fides, quæ non in Cant. operatur ex devotione, nisi cadaver exanime? Ad obtainendam autem devotionem hanc, necessaria non est Contemplatio, ut jam cum S. Thoma probavimus; sed vel Contemplatio, vel meditatio. Causa autem intrinseca devotionis est meditatio, seu Contemplatio, atque adeò præsentia tam deliciosa, tam potest obtineri applicatione Imaginatioñis, junctis actibus Intellectus & affectibus Voluntatis, quām sine his, si DEO placuerit eam largiti. Non erit fateor, illa tam deliciosa, propter adjunctum laborem, qui meditando subitur; erit tamen non parùm deliciosa. Caleb igitur potuerit habere pro filia sua irriguum superius & irriguum inferius; & DEUS pro suis non habebit? Si Animæ, quæ verè Contemplantur, habent irriguum superius; benè ipsis cedat; fruantur & gaudeant dono, quod accepunt. Illæ tamen, quæ meditantur, sciant & ipse superesse pro ipsis irriguum inferius. An fortassis renuent acceptare irriguum inferius, quia DEUS non dignatur ipsis dare superius? hoc si fecerint, certæ sint, pro ipsis non superesse nisi terram arenem: quod est manere in oratione instar attonitarum. Atque hoc est, quod iis contingit, quibus satis est manere in Oratione cum Fide: hoc est, non contemplari, quia non possunt; & non meditari, quia non volunt. Non ita fiat, non fiat, clamat S. Teresia. Non prætermittatur operatio Intellectus, donec illam DEUS suspendat, alias manebimus stupidi, & non faciemus nec hoc, nec illud.

illud. Hoc est, nec Contemplabimur, nec meditabimur.
Sic illa loquitur vitæ suæ capite duodecimo.

Annon igitur appetit manifestè, quò spectent præcepta ejusmodi generica? eò spectant, ut demonstretur obliquè, cum, qui Meditantes hac in vita vult imitari, perdere tempus; utque idcirco malit peragere orationem stupidè (quidquid contra clamet S. Teresa) quam uti facultatibus, meditando.

Et ego hīc sanctè me obligo ad oppositum prorsus demonstrandum: non tamen amplius solâ authoritate Sanctorum, qui meditando ad sublimissimam perfectionem proiecti sunt; id enim abunde jam præstitum est, etiam opposita argumenta retundendo. Obligo igitur me, ad eandem veritatem demonstrandam ratione, cuius tanta est vis, quam intrisecam appellamus.



Caput XIII.

Adstruitur, Meditatione obtineri posse bonum illud primarium, quod est constitutivum intrinsecum Contemplationis, et si obtineri nequeat secundarium.

I.

Intra omnes gemmas pretiosas non alia videtur proprius Hugo in referre Contemplationem, quam Topazius. Unus iste Apoc. 21, omnium aliarum colores complectitur. *Omni colore resplendet.* Duo tamen necessaria sunt, ut hæc ejus supra S. Gregor.